


醫學錦囊

學醫南針

康健寶庫

上海新華書局發行



北京中医药大学图书馆版权所有

凡例

一是編中所用諸方。分寒熱虛實。准病施藥。發無虛中。病家應類而求。證象明瞭。採方甚易。

一所載諸方中。分量泡製。加減服法。詳審備列。間有不注分量者。因病有輕重。藥宜酌劑也。

一立案處方。皆本古法。尤以葉案爲近。惜未獲全豹。引爲憾事。

一後半有病家迭次轉方。寒熱虛實。不標上首。僅明案中。閱者須注意。

一間附單方。如瘧疾丸。大麻風藥。白帶散等類。屢試屢驗。卽如治痢等方。不膠泥古法。尤具卓識。

一治喉症諸法。皆取法前賢。但風氣遞嬗。病情亦因之而易。故採其哲嗣馬小琴君論白喉諸方。並贅卷末。

一。是書乃鼠嚙蟲蝕之餘。雖精審而欠詳。備但希世之珍。非多爲貴中。歎之。刃雖小。亦銛閱者宜愛護之。

一卷末所附白喉雜載。及一切丹方。皆有捷效。顏曰。家庭備急錄。雖非著者手筆。因前後有相互發明之益。故並列之。

一。編中方案。以及附錄諸方。簡明切當。如窮鄉僻邑。舟次旅邸。各手一部。不啻與良醫同居。可資問津。

一。著是編者。非摭拾辭句。剽竊方藥。爲覓利計者。所可比擬。須審其辨症立法處。何等周詳。閱者切勿觀其外廓。以等閒醫集視之。

刊者識

序

余獲交於馬君小琴十年矣。君遂於國學。蜚聲儒林。其尊甫松琴先生強於記憶。博覽羣書。尤精醫事。惜先余識君之年。早已謝世。未曾識韓。但間嘗近紹友。詢及馬公家世。僉曰。是名醫而兼善士也。使若人而在遠近。三五十里間。設或有人遘疾。皆所託命。今聞其子姓中有號叔循者。精於外科。設診里門。盛名卓著。季子小琴亦識醫。但業儒以文學稱。馬氏父子之令聞如此。此非難能而可貴哉。惟小琴爲余學友。近任浙江旅滬公學校長。公餘之暇。亦以醫問世。滬人士多信仰之。余與君過從甚頻。論文之餘。間及雜藝。君以尊甫之醫案存錄見示。曰。此吾與家兄叔循所手錄也。但久度敗筭。鼠齒蟲蝕。佚過半矣。余覽其書。頗似葉案分門別類。證治瞭然。兼上標寒熱虛實。尤便津梁。後學余遂慙慙付梓。顧君以殘稿爲憾。珍而藏之。未允壽世。竊以爲連城之璧。久掩精光。千金之裘。偶形缺損。未必終尠遇。

合也。謹拭目俟之。

序

癸丑八月金陵王世楷範臣識於滬寓

丙辰八月。余兄心裁。患咯血。就診京中名醫殆徧。而血未稍止。咳亦益劇。有南商趙君來京。余逅之於西河沿逆旅中。述兄病狀。趙曰。滬上名醫馬君小琴。善治血症。友人陳君芳林。嘔血盈斗。中西醫皆辭以不治。延君至。診其脈曰。猶可爲也。竟治而活之。此余所親睹。盍走佯邀之。余疑君未肯遠就。猶豫至再。趙曰。君儒者。非市醫比。當可如願。余遂具幣。挽至戚黃君至滬。敦請馬君。君果來。爲立方。有北醫某者。家兄所信任。日就病榻相訪。見君方。嗤曰。病已如是。而藥輕如彼。甯能濟事。觀其醫案。侈談病理。詳述治法。娓娓可聽。南醫特擅筆墨耳。果飲是藥。奚翅飲水。家兄曰。藥旣平淡無害。余姑服之一劑。而咳鬆。再劑而血止。三劑能進薄粥。然猶

覺氣逆兩足不溫更四五劑諸象霍然北醫佩甚竟師事之蓋余兄弟本係杭籍自先大父服官來京逮茲三世先父早棄養大父雖後卒時余兄弟皆在髫年親戚故舊類多客籍祖宗邱墓皆絕然莫知其處今余生三十七年矣兄長余五載已越四旬一官匏寄久滯京都起居服食夙經稔習詎意二豎來纏北地醫藥竟難合體必待南醫而始克奏功此理之所難明也夫地氣之燥濕寒溫南北各異人之體性亦因以不同盡人知之必謂南人而不宜北藥河間劉守真孟河葉天士其鴻編鉅製胡爲風行海內而無扞格耶北主剛強南主柔弱六氣六淫侵襲人體賴醫者之調劑藥石準察病情乃不易之論若泥南醫治南北醫治北甯不膠柱而鼓瑟哉君醫理湛深其審證也如射者之睨的其處方也如發矢之無虛故起沉痾捷如反掌而昧昧者猶謂南人宜南藥羣相駭怪真不翅坐井之觀天矣兄病旣愈馬君擬俶裝南歸方檢篋驟睹其尊甫藏案丐閱之彷彿葉案第二

以是知君乃稟承家學以己之積識緯之故其術之神有如此者司命人間當造福無量遂慙愚付梓君以殘缺爲辭不果允余爲深惜之但臨別匆匆緒長言短綴此數語於卷末燈昏欲蕊未暇修詞詰屈不文幸恕簡率聊表傾慕之忱記念之意云爾

自序

丙辰九月上浣張心畬識於京寓

古今醫集夥矣浩浩若江河之水非一人之腹所能盡飲可勝憾哉岐黃仲景之學爲後世所崇拜固已東垣丹溪以逮有清葉氏稍知醫事者覽其書無不齊其口曰活人之寶筏也若喻嘉言張景岳陶宏景吳又可亦各擅其長而爲後世司命足當無愧卽吳鞠通著溫病條辨具述寒溫致病之異三陽三陰治法之當區別亦可謂獨具隻眼後之學者循吳氏之軌以療四時各症幾較遵古法而膠柱

鼓瑟者其效爲捷何哉。蓋古諸賢著書立說以傷寒爲總提。溫病卽以傷寒之熱化者而同一混言之。未嘗條分縷晰。故後人不察。疑惑冒之病有傷寒而無傷溫。以三陽之藥而治三陰之症。冠履倒置。誤事恆多。醫道之難有如此者。僕究醫三十餘載。雖自問術疏。未敢出而問世。第觀近日醫師地苟妄投。柴桂濫用。艸菅人命。恬不爲怪。寡人之妻。孤人之子。實較操刀殺人其禍倍烈。故吾謂醫可學而不可行。醫宜精而不宜忽。涉獵一二醫集。稍知草木品性。貿然自命爲醫。懸壺行世。此非淑世之道。萬不足爲僕有鑒於此。故籀閱醫書。不敢不審。但所以盥腦絞髓而孜孜勿倦者。非欲借此以覓利爲自衛計也。迺親舊戚鄰未諗微忱。咸以僕爲知醫。登門就診。日不暇給。勞精疲神。吾又何樂而爲此哉。矧余老矣。髮垂垂欲白。平生志願。本欲匯古今名醫之作。酌取精華。溝而通之。輯爲一帙。以津梁後學。俾免誤入岐途。挈之正軌。奈爲診事所纏。徒呼負負耳。惟十年臨診方案。或有可採。

者。命三子進善（叔循）四子絳彰（小琴）累月積年。區類存錄。雪泥鴻爪。留示後人。禍棗殃梨。敢毗前哲。所願子姓中有業。此者以余之學爲學。以余之心爲心得。之則可以衛一家。博之亦可以濟斯世。庶無愧仁術也已。光緒十六年二月某日。馬慶祺松琴氏小言。

序

吾師馬小琴先生。藏尊甫松琴公醫案存錄一帙。謂殘其十之二三。未允付梓。余覽之處。案立方不翅葉香巖徐洄溪再世。謂師曰。是書不出秘天地之藏。必爲造物所不許。蓋人民天紮。全賴醫藥以救濟之。古今醫集。雖浩若河海。然菁華者。或毗陽春。白雪曲高。和寡糟粕者。則剽竊古方。顛倒錯亂。絕無價值。淺學之徒。誦之則之。謬種流傳。貽害至蹟。若是編者。准病立法。有條不紊。乃司命之寶筏。來學之準繩。烏可久度架隅。而不出以淑世矧醫事一途。窮險絕幽。高深無極。循其舊軌。

或一蹴可幾。闡其玄奧。則眞理層出。是書之區。類分門。猶爲習見。惟寒熱虛實標之案。巔俾閱者。察然於證象。無待探索。案語而始得。殆發古人未發之蘊。思想宏闊。學術湛深之鉅製也。九仞之山。偶虧一簣。未必損其高。千狐之裘。未足一貉。豈遂失其貴。故余以爲壽之梨棗。千秋萬禩。必受社會之崇拜。可無疑義。於是慙慙吾師。付之剞劂。而吾師猶唯否其間。余遂輯錄其稿。爲之出版。並錄吾師家庭備急驗方。殿之卷末。微特表揚仁術。以傳不朽。抑亦公之於世。登斯民於壽域也。

受業朱子佳謹識



先府君狀略

府君諱慶祺。字松琴。性慈恕。好高潔。勿善治生產。繼世業釀。府君仍之。顧非所欲。暇輒籀誦史漢。臬諸子集。尤酷愛醫事。揣摩靈素。仲景傷寒論。寢饋勿釋。由是知醫。鄉里抱疴者。咸接踵求治。投之藥。立起。一時稱神。府君猶自視歆然。益購置古今名人醫集。參互考訂。於東垣丹溪景岳天士之學。皆所心折。謂吳又可陶宏景輩。大純而小疵。徐靈胎李士材。更倜乎後矣。平生處方治病。傷寒則一宗仲聖。尋常諸溫。概取法葉氏。於是遠來近悅。戶限爲穿。第釀業日弛。蕭索不振。食指又夥。生計維艱。時先王父猶健。常戒飭之。府君索居怡然。先王父生四子。府君居伯。仲麓耕公。叔穆薌公。季山農公。仲叔二父。亦仍釀事。季父業儒。皆富積資財。獨府君布衣蔬食。日慮勿給人。咸疑其嗜書好醫。致誤生計。庸詎知不然。蓋府君臨財不苟。卽病者潤筆之資。取之惟恐傷廉。亦拒而勿納。又慕薛包許武之爲人。故中年

以後婚嫁迭起。益形窘迫。惟知醫之名日著。有某顯者。籍隸武林。以子傷寒後病。暗諸藥勿效。慕府君名。走伴邀診。府君辭勿就。繼復肅箋具幣至。府君謝曰。余生長邑門。未嘗遠離。矧錢江浩蕩。肩輿櫂行。俱所勿習。請另就賢者。無已。具病狀來。當爲懸擬一方。返其幣。伴嗒然歸。某悲甚。乃浼邑紳陳君謁府君。具述病由。且曰。必勞親往。病愈。當爲納粟荐京。府君嘻曰。余豈熱中仕途者。性耽僻冷。故落寞致此。請毋溷我。乃繕方授陳。陳悻悻去。某子服之。凡二劑。而病霍然。某喜。擬題額爲贈。陳因銜府君。尼之。乃寢。未幾。又有勢豪妻病。邀府君。時適大風雨。府君辭以明日。豪強之府君婉却。豪不懌。厲聲曰。醫仁術也。而高自位置。乃爾。果勿去。吾未必竟聽婦死。拂抽出。謂人曰。誓必有以相報。越三日。豪再至。時病者羅坐滿室。方以次就府君診。豪結眉坐室隅。嘿無一言。迨篤午。診事畢。豪柔聲下氣。向府君長揖曰。婦病已爲某醫所誤。一息僅屬。幸先生恕我前愆。枉駕一診。藥而活。闔家銘德。

卽死亦勿慙也。府君曰諾。家人疑其詐。託故招府君入。勸勿行。豪已逆知。卽高聲剖曰。某誠非人。前言特寄憤耳。豈真敢辱君子。果峻拒。吾屈膝矣。府君笑慰之。豪牽府君裾。請速行。府君登船。篷艙軒敞。殺酒羅列。府君辭勿飲。艸艸飯已。倚檻視之。船行如飛。旋抵其家。入室。聞慟哭聲。豪色慘變。促府君入視。見病者雙目上泛。膠汗浹面。齒格格欲碎。手足抽搐。角弓反張。蓋已臨絕也。急診其脈。右尺尙不絕如縷。斷爲誤表亡陽。命速進獨參湯。有頃。狀漸甯。遂以芍藥湯合清燥救肺法。立方畀之一劑。而神清。再劑而胃動。三劑而大解下。能起坐。豪感甚。呼府君以父。府君治病之神。類如此。覩縷記之。罄南山之竹。而莫可盡也。府君五旬後。頗致意佛學。屢思杜門撤診。勿獲。乃泛舟三陰道上。徧訪名刹。以避塵囂。著有佛學津梁數卷。多散佚。不能輯述成書。關於醫學諸作。則堆疊敗笥中。鼠嚙蟲蝕。亦無有完本。惟茲一帙。由不肖絳彰。集其殘缺。而手錄者。未必卽爲全豹。蓋不肖不忍先人

之手澤。悉歸湮沒。遂爲付梓。以淑後世。云爾。府君記憶力甚強。諸書過目。雖一字一句。歷歷能背誦。逮老猶然。撰文體格。絕類蘇韓。道勁倔強。絕無時俗氣。享年七十四卒。先妣姓王。同邑某某公女。生子四。逮善。述善。進善。道善。道善卽不肖。絳彰其學名也。女五。適金。適范。適錢。適高。適傅。兄弟姊妹中。不肖爲最幼。故府君之嘉言懿行。僅得乎此。而又貧賤也。衣食於奔走。溷迹滬濱。十有餘載。長兄三兄相繼謝世。更無與道述先人遺事。每一思及。痛淚填膺。今不肖亦行將老矣。子未成材。青氈故我。久羈異地。猶類秋蓬。益自念七尺微軀。碌碌無所表見。無以對先人于地下也。噫。

壬戌四月不肖絳彰謹述於滬濱寓次

醫學錦囊目錄

凡例

序

先府君狀略

卷一

中風.....一

肝風.....三

猪頭風（附大麻風仙方）.....七

羊癲病.....七

頭風.....八

眩暈.....一三

勞損.....一六

咳嗽.....二〇

吐血.....二三

遺精.....二六

汗.....二九

肺痿.....三一

肺癰.....三四

木乘土.....三六

脾胃.....四〇

胃脘.....四二

陽痿.....四二

莖挺.....四四

腫脹.....四四

噎膈反胃.....五四

噫噎.....六三

嘔吐.....六四

痞.....六九

積聚.....七一

卷二

吐衄.....七七

不食.....八一

腸痹.....八四

便閉.....八六

痢疾.....八九

泄瀉.....一〇一

便血.....一〇七

脫肛.....一一三

痰.....一一五

痰飲.....一二七

哮喘.....一二八

肺痹.....一二七

胸痹.....一三一

餒.....一三四